

政府公報

(影印本)
第九十二册

一九一六年九月

第 238 号 至 252 号

中國第二歷史檔案館整理編輯
上海書店發行
南京古舊書店發行
華東工學院教學服務中心影印

中華民國五年九月一日星期五第二百三十八號

印鑄局發行

北京東長安牌樓王府井大街
電話東局二百零一號

政府公報

印鑄局修正政府公報體例預告

本局修正公報辦法擬訂體例業經呈奉國務院令准如所擬辦理在案現擬自九月一日起實行照修正體例編列特此預告

目錄

命令

大總統令

內務部令
交通部令二則
內務部訓令
交通部訓令
交通部指令

公文

呈

陸軍總長段祺瑞呈 大總統陳明頒發國防文
安徽督軍張勳呈 大總統陳明皖北各屬水災分別
振賑以濟災黎文(附摺)

咨

內務部咨直隸省長張鑾監旗滿洲果公府宗室毓澤京函
已將麟西城子莊園地質與劉桂芬請咨行飭縣令各
佃直接交租暨買主報稅升科各等情請轉令查明照章
辦理文
內務部咨呈國務總理擬具恢復京師及各地方各級自治
機關辦法希即提交國務會議議決文
內務部咨財政部准國務院咨各省辦理民國二年善後事
宜收支各款應由內務財政兩部核辦等因請查照呈覽
文
內務部咨財政部准國務院咨各省民國四年辦理賑務收

支各款應由內務財政兩部核辦等因請查核見覆文

內務部咨財政部蒙慶學堂經費為數不多應力予維持請
查照核辦文
教育部

審計院咨財政部山西巡按使公署經費四年度預算是否
准予更正其贅務處不敷之款是否准予抵撥請查覆文

公函

大理院復河南高等審判廳函(統字第四百八十號)

京師地方檢察廳致上海地方檢察廳公函(第六三四號)

批示

內務部批二則
京師地方檢察廳批

公電

交通部接廣州電報局來電
長沙譚延闓來電

上海唐紹儀來電

交通部發各電報局電

通告

參議院議事日程

衆議院議事日程

大理院刑二庭公開審判案件日時通告

陸軍訓練總監通告

附錄

廣告

奉 命 令

大總統令

大總統令

特派谷鍾秀兼充全國水利局總裁此令

大總統
統印

中華民國五年八月三十一日

國務總理段祺瑞
農商總長谷鍾秀

大總統令

農商總長谷鍾秀呈工商司司長陳介懇請辭職陳介准免本職此令

大總統
統印

中華民國五年八月三十一日

國務總理段祺瑞
農商總長谷鍾秀

大總統令

任命嚴智怡爲農商部工商司司長此令

大總統印

中華民國五年八月三十一日

國務總理段祺瑞
農商總長谷鍾秀

大總統令

任命梁瀾勳兼任粵海關監督此令

大總統印

中華民國五年八月三十一日

國務總理段祺瑞
財政總長陳錦濤

大總統指令第一百五十六號

令財政總長陳錦濤

蒙藏院總裁貢桑諾爾布
蒙藏院總裁貢桑諾爾布
呈悉應准照給交財政部查照此令

大總統印

中華民國五年八月三十一日

國務總理段祺瑞

財政總長陳錦濤

大總統指令第一百五十七號

令蒙藏院總裁貢桑諾爾布

蒙藏院總裁貢桑諾爾布呈舊土爾扈特南部落堪布喇嘛多布棟策楞車敏有功邊局擬請加封班第達名號以昭激勸由

呈悉多布棟策楞車敏應准加封班第達名號此令

大總統印

中華民國五年八月三十一日

國務總理段祺瑞

政府公報

九月一日第二百三十八號

部 令

內務部令第十二號

查本年九月七日爲秋丁祀孔之期舉行在邇應設立籌備處籌辦一切茲派聶寶琛爲該處主任曾維藩陶淦傳世常鄭穀權曹經沅章孚多福王兆鈞劉嘉璈鄒迺鑑汪兆銘者資富和珍王廷治王經邦在該處辦事凡應行籌備事宜務須隨時商承典禮司司長迅速辦理仰即遵照此令

部印

中華民國五年八月二十九日

內務總長孫洪伊

交通部令第一二九號

此次裁撤各電政管理局本爲撙節經費起見各監督辦事有年甚資得力茲因裁缺自應由部存記陸續遞還任用此令

部印

中華民國五年八月二十六日

交通總長許世英

交通部令第一三〇號

京漢鐵路學習員廖鴻猷改派往京奉鐵路學習此令

部印

中華民國五年八月二十九日

交通總長許世英

政府公報 命令

九月一日第二百三十八號

內務部訓令

令京兆尹王達

准清內務府咨稱准內務部咨稱據京兆尹詳稱案據武清縣詳稱前奉清查官產處函開案准濤貝勒函稱有怡賢親王位下第七房怡傳親王後裔正藍旗近支二族宗室毓寶因祖遺私產印冊遺失邀保補契自應飭查相符方能辦理正在催辦間據投充莊頭王振庫稟稱莊頭經理寺上村之地畝租主係為怡親王本爵並無毓寶名分詳請轉咨清宗人府行查怡親王爵下有無莊頭投充地畝並莊頭所執之印照差票是否府中所發府中有無宗室毓寶之名分咨查明確後再行遵辦一案茲據正藍旗左翼近支二族學長載果等呈報宗室毓寶呈稱有乾隆年間上賞地一項坐落武清縣寺上村地方計地四十三頃八十五畝正在領受時有該處民人王瑤來府願投充為該地莊頭經宗室高曾祖照准充當嗣後該莊頭出有事故即令其子孫接充迨至於今係王德山充當宗室之父因其年邁添派幫辦催租人王振庫係王德山同族之人上年麥秋派人收租不料有人兩次主使聚集土棍多人抗不准分收宗室所派之人寡不敵衆連夜逃回是以至今未敢往取至無宗室之名一節查怡賢親王位下第七子弘曉承襲故後謚為怡僖親王傳至宗室之祖載垣父溥斌承嗣子毓寶黃檔房左司核准後有案可稽至宗室所有田產係同治年間賞遺為奉祀怡傳親王祭田之用者不與現襲怡親王毓麒奉祀田產相干再昨莊頭王德山之子王錫來京宗室問及催租人王振庫呈縣各節該莊頭父子均不知情呈報前來咨部轉行京兆尹查照辦理等因到部合行令知該尹轉令該縣辦理可也此令

部印

中華民國五年八月

日

內務總長孫洪伊

交通部訓令第二六三號

令各海關監督

據郵政總局詳稱據湖南郵務長報稱查得本年一月間因河水淺落漢口至長沙之航路不能行駛較大之輪船遂有中國小輪同利號由日本汽船公司定給津貼並代日本郵局運送郵件而其郵件起下均向該小輪直接辦理並不由我國郵局經手郵務長當將此案向長沙關稅務司聲明嗣由長沙關稅務司向日本駐紮長沙領事提出此案據該領事之意該小輪既由日本汽船公司定給津貼是以除運他項物件外由日本津貼之權亦不能否認帶運日本郵局之郵件並對於該項郵件向日本郵政長官直接擔負責成旋復據該領事通知長沙關稅務司聲明現因河水漲高該日本汽船公司已將與同利號小輪所訂之津貼合同作廢此案業經了結等語登報前來總局查據報同利號小輪一案雖經了結惟於中國境內郵權之問題不無危害不得不特請注意設法俾外國郵寄機關非經我國郵局之手不准任用無論何種中國船隻運寄彼等郵件擬請由部確定章程載明中國郵政對於中國船隻有唯一專用之權是否有當請鑒核等情到部查前清光緒二十二年總理衙門奏准開辦郵政專款第三條內開輪船進出通商各口除承寄郵政局所交之信件外所有行主船主水手搭客等俱不准攜帶郵政局應寄之信函等件違者每次罰銀五百兩又光緒三十年外務部核准內港華輪代運郵袋章程內開凡華輪均有代運郵袋之責其行駛內港者一領准入內港之關牌即應代運郵政信袋分交路經各局每值行駛往來遇有郵局處所即須赴局聲報以便隨時交接郵袋不致有誤除代運包裏分量較大者如何發給水脚由各該郵政局按公平運費核給外所有尋常郵袋訂明不給運費其代運郵件各華船不得私帶信函並不得擅帶他局郵件至專責寄帶之郵件亦須格外加慎如有損失遺落違章等事仍惟該船是問或罰辦或將入港關牌撤銷隨時酌情定辦以昭鄭重各等語華商船隻寄帶郵件早已訂有專章乃時久玩生致有小輪同利號私運日本郵件之事於郵務大有關係亟應嚴加取締藉杜弊端嗣後華商行駛通商口岸或內港船隻無論為汽機油機電機或帆船種類除萬國郵會及政府別有規定外均有專運中國郵局郵件之責惟不准私帶中國郵局應寄之郵件其他國郵件非經中國郵局交

政府公報 命令

九月一日第二百三十八號

運不得直接承寄以重郵權除咨請稅務處轉行總稅務司分飭各關稅務司遵辦並由本部令行郵政總局暨各關監督外合亟令行該監督出示曉諭各航商一體遵照此令

郵印

中華民國五年八月二十八日

交通總長許世英

交通部指令

令漢粵川鐵路督辦詹天佑

詳一件爲遵復未經付價已收軌件各數並湘鄂加價軌款無著請示由

據詳覽風色兩電均悉查來詳所稱軌件加價應自加價問題發生之日起算凡在上年交價而未經付價者應照原價付八扣二一節業經本部函據漢冶萍公司函復承認又岳州交軌應按八十一兩計算一節亦已據該路電復照辦當經本部分別電知在案至來詳所稱湘鄂軌款計工此次軌件加價計增五十八萬擬請另行籌措等語查此次加價統扯每噸約增三十四兩五錢軌件一萬七千噸如按統扯加價算約共一百四十四萬五千兩按付六扣四辦法本部應扣五十七萬餘兩是湘鄂不敷之款即爲本部應收四成之款現部款萬分支總四成軌款本部應由該路代扣解部惟念該路工程亟待進行所有前項四成款五十七萬餘兩即仰該路於撥付漢廠軌價時陸續扣除即作爲本部收到漢冶萍還部欠款後本部暫墊該路資本之款並將數日報部轉賬一面仍仰該路與銀行團議定如該路有餘款時或續借借款時應先將此款歸還本部議妥呈復至所稱漢宜段現在及將來所差之四成軌價亦應另行籌備一節查與湘鄂局不敷軌價事同一律本可一併查照湘鄂辦法辦理惟續據來呈此項鋼軌業已無須添購自不必另行籌備仰即遵照此令

部印

中華民國五年八月

日

交通總長許世英

公 文

呈

陸軍總長段祺瑞呈

大總統陳明頒發勸助文

爲陳明頒發勸助仰祈鈞鑒事竊查前奉

策令任命李進才爲陸軍第十三師師長此令等因奉此應即

頒發勸助以資信守茲經刊就本價關防一顆文曰陸軍第十三師師長關防已於本月二十九日令發該師

長遵領鈐用在案除啟用日期應由該師長自行具報外理合具文呈報仰祈鑒核施行謹呈

中華民國五年八月二十九日

安徽陸軍張勳呈

大總統陳明皖北各屬水災分別振賑以濟災黎文(附摺)

爲皖北各屬水災分別振賑以濟災黎仰祈鑒核事查本年夏間霪雨連綿山洪暴發淮河水勢驟漲三丈有餘
湖神自督辦工賑以來新築數百里河隄多遭浸淹洪濤巨浸之中屋倒田淹人畜漂沒慘狀殆不忍言似此水災兇謂近五十年來所未有前據宿郵等縣呈報前奉
明蒙大總統捐銀一萬元內務總長捐銀五百元並准財政部江電由中央發帑四萬元共計五萬五千元先後隨撥到皖祇領之下感謝莫名溯當暗電開辦時又據阜陽全椒來安靈璧泗縣宿縣渦縣蒙城等縣奏續呈報同屬災區安能獨視因電召各該知事於八月朔齊集蚌埠當面諮詢會稱此次淮災綿亘東西五六百里南北或百里或數十里殆合各支河所溢之所成就中以全望阜懷台五縣災情爲最重鳳壽五全四縣次之盱靈來等縣又次之滁宿較輕渦蒙其最輕者也爰由
調中按照各屬輕重災情將奉發振款

量予支配不敷之數即由工賑項下提撥六萬七千五百元用資補助且按照上年振撫局辦法分別急振平

糴兩種責成各該知事認真辦理上以宣中央之德意下以蘇億萬之饑黎猶恐縣知事一人訪察未周並遴

選委員分途查驗務期各災區大小戶口實惠均沾第災廣人稠後難爲繼一俟秋深水落再行設法規畫以

政 府 公 報 公 文

九月一日第二百三十八號

工代賑用副中央軫念災黎至意所有皖北災區分別振糶緣由除咨報內務農商財政三部外理合會同開列清摺備文呈請鑒核訓示祇遵再據蕪湖道屬祁門縣呈報山水爲災業經派委查勘一俟復到再行核辦合併陳明謹呈

附呈清摺一紙

中華民國五年八月

日

謹將支配皖北災區振糶兩款數目開摺恭呈鑒核

計開

一給霍邱縣急賑三千元平糶八千元 一給穎上縣急賑三千元平糶八千元 一給阜陽縣急賑三千元平糶八千元 一給懷遠縣急賑三千元平糶八千元 一給鳳台縣急賑三千元平糶八千元 一給鳳陽縣急賑三千元平糶六千元 一給壽縣急賑三千元平糶六千元 一給五河縣急賑二千元平糶六千元 一給全椒縣急賑一千元工賑五千元平糶三千元（查該縣圩隄潰決最多故先撥洋五千元以工代賑合特聲明）一給盱眙縣急賑一千元平糶六千元 一給泗縣急賑一千元平糶四千元 一給靈璧縣急賑一千元平糶四千元 一給來安縣急賑一千元平糶四千元 一給宿縣平糶四千元 一給滁縣平糶二千元

以上十五縣計發急賑二萬八千元平糶八萬五千元又全椒工賑五千元共計十一萬八千元除奉發捐賑兩款五萬五千元盡數支配外即由工賑項下提撥六萬七千五百元再滿蒙兩縣受災甚輕故未給予賑糶合特聲明

咨

內務部咨直隸省長據饒遠旗滿洲果公府宗室統澤稟稱已將灤縣西城子莊園地賣與劉桂馨請咨行飭縣令各佃直接交租贖買主報稅升科各等情請轉令查明照章辦理文

爲咨行事據鑲藍旗滿洲果公府宗室毓澤稟稱敝府坐落直隸灤縣西城子莊之園地今違旗產舊租章程賣與西城子莊劉桂馨名下永遠營業計共地九頃五十四畝一分七釐二毫所有溝灣渠壕坑一併在內房基莊屋二百三十餘間隨帶清冊一本本地國一紙自賣之後旗變民產統歸買主永遠自便准其自向灤縣納稅升科此後各個租項即直接交與買主所有以前各個陳欠租項敝府均於買主名下兌清收足故此項欠租即歸買主繼續追索均與敝府無干而各個亦均不得藉端拖欠總之各個與買主雙方俱有應守之定章佃戶不得故意抗拒者買主亦不得希圖省費隱匿而不報稅升科除由敝府兌清交租之戶并地畝租數外請部咨行飭縣出示曉諭令各個即向買主直接交租不得藉端拖欠以資保護并令買主照章報稅升科以裕公賦等情前來相應咨行貴省長查照轉令灤縣查明照章辦理可也此咨

內務總長孫洪伊

部印

中華民國五年八月

日

內務部咨呈國務總理擬具恢復京師及各地方各級自治機關辦法希即提交國務會議議決文

爲咨呈事查國會省會先後奉 令召集所有京師及各地方各級自治機關自應一體恢復擬請 明

令定期於十月一日以前由各該地方官召集原有自治職員繼續開會此項職員任期除中斷期間不計外以法定之期爲限一切自治章程暫照民國元年辦法仍一面由部調查列國成規按切社會狀況籌議地方制度擬具草案提請國會議決施行其三年十二月四年二月先後公布之地方自治試行條例暨施行規則應請 明令廢止至京師與各地方情形不同前所設立之京都市政公所仍應繼續辦理相應咨行貴院希即提交國務會議議決呈請 大總統施行此咨呈

內務部咨財政部准國務院咨續省辦理民國二年善後事宜收支各款應由內務財政兩部核辦等因

請查照見覆文

政府公報 公文

九月一日第二百三十八號

爲咨行事准國務院咨稱准江四省長咨呈辦理贛省民國二年善後事宜收支清單請查照核銷等因查此案應由內務財政兩部核辦除咨復江四省長并分咨外照錄原單咨行查核辦理等因到部查此案事關核銷款項除原單業由國務院分咨不另鈔送外相應咨行貴部查照見覆可也此咨

內務部咨財政部准國務院咨贛省民國四年辦理賑務收支各款應由內務財政兩部核辦等因請查核見覆文

爲咨行事准國務院咨稱准江四省長咨稱贛省民國四年辦理賑務收支各款繕單送陳查核等因查此案應由內務財政兩部核辦除咨送財政部暨咨覆江四省長外鈔錄原單咨行查照辦理等因到部查此案事關核銷款項除原單已由國務院分咨不另鈔送外相應咨行貴部查核見覆可也此咨

內務部咨^{財政部}蒙藏學堂經費爲數不多應力予維持請查照核辦文

爲咨行事准國務院函稱近聞蒙藏學堂現有解散之說蒙藏文化未繁亟須溝通智識該校經費月僅兩千餘元母論目前財力如何支絀決非難於維持函請查照等因到部查蒙藏學堂之設原爲培植人民通知蒙藏情形以養成才識開辦既經數年遽行解散殊屬可惜現在庶政勵新教育正宜發達既准函稱經費月僅兩千餘元決非難於維持等語是此項學堂經費爲數既屬不多自應力予維持以宏作育除咨^{財政部}查照核辦可也此咨

內務總長孫洪伊

印

中華民國五年八月二十四日

審計院咨財政部山西巡按使公署經費四年度預算是否准予更正其警務處不敷之款是否准予抵撥請查覆文

爲咨行事案查山西巡按使公署三年度預算貴部列爲十萬元該巡按使所送計算書據預算列爲十二萬四千元當經查詢在案嗣據覆稱此案曾經本使於四年一月電請政事堂轉呈 大總統擬由節餘項下全年酌加經費二萬四千元當蒙照准即經咨陳財政部在案並鈔錄原電等因前來所有三年度計算書據已經本院按照酌加數目核銷現在該巡按使公署四年度計算書據陸續咨送到院所列預算核與三年度相同仍列爲六萬二千元而貴部四年度所列山西巡按使公署應支之數列爲五萬元該公署支出之數比較預算超支一萬二千元復經咨行該省長超支之數是否仍經呈請 大總統批准有案旋據覆稱查部定編製四年度預算辦法凡事實無所變更者仍照三年度數目折半開列本署四年度預算經費按照三年度折半應需六萬二千元自屬毫無疑義前准財政部咨送核定四年度預算清單於本署經費亦曾聲明照三年度折半而列數爲五萬元事涉兩歧顯係錯誤當經金前巡按使飭財政廳與單開其他不符各機關一併查照原案選詳財政部更正等因前來貴部是否已爲更正且該使五年各月支出又係按照舊案與貴部所列該使五年度預算數仍不相應咨請貴部一併查明見覆再據該省咨送警務處計算書據單內聲明查警務處之改組經金前巡按使呈請由五年三月一日起將省會警察廳改爲全省警務處仍兼省會警察事宜其改組之經費警務處全年支銀四萬六千零二元省會警察支銀七萬四千五百六十二元四角除就五年度預算案內奉准核定警察廳經費一十萬元撥支外計尙不敷銀二萬零五百六十四元四角奉飭由廳籌補當經詳覆所有不敷之數擬於額定收入各款將預算外增收之款按數抵撥照案歸入決算案內辦理在案六月初三日奉前巡按使轉准財政部咨此項增加經費既未牽動核定預算應准立案等因貴部是否將不敷之款准於該廳額定收入增收款內抵撥覆准立案並希查覆以憑核辦此咨

公函

大理院復河南高等審判廳函(統字第四百八十號)

逕復者准貴廳民字第一四九號函開據開封地方審判廳詳稱爲詳請解釋法律事設有某甲於所有地上

九月一日第二百三十八號

建築樓房安置鍋爐煙突等物鄰佑某乙等以某甲建築樓房安置鍋爐將生火險妨害公安報告警察廳經警察廳命令禁止建築某甲以某乙等妨害物權訴於審判廳審判廳對於此種訴訟應否受理有子丑兩說子說謂某甲與某乙等純係私人間物權之爭執審判廳應予受理丑說謂某甲與某乙等雖係私人間物權之爭執然人民建築樓房等物應報由警察廳經審查是否妨害公安核准後方可建築違警律第三十四條第二款對於建築物之建築修繕不依法令章程稟經警察官署准許擅與土木或違背官署所定圖樣者設有處罰明文某甲之建築是否妨害公安屬於警察處分範圍審判廳不應再為受理二說究屬何說為正當職廳未敢擅擬事關法律解釋懸案待結理合詳請鑒核轉函大理院迅賜解釋俾資遵守等情據此鈞院有統一解釋法律之權相應據情函請從速核示以便飭遵等因前來查凡國家以行政處分對於人民為一種處置者無論該處分正當與否其撤銷或廢止之權自在上級官署或行政訴訟衙門司法衙門要無干涉之餘地惟其間如有以私人資格假行政官廳之處分為侵權行為之手段者則其被害人除得向該管行政或行政審判衙門請求撤銷或廢止其處分外並得對於加害人向司法衙門提起民事訴訟請求其設法回復原狀或賠償損害此本院判例屢經說明者也所詢情形某甲既以警察廳禁止其建築命令為不法乙等妨害其物權為理由提起訴訟自應予以受理相應函復貴廳轉飭遵照可也此復

中華民國五年八月二十六日

京師地方檢察廳致上海地方檢察廳公函(第六三四號)

逕啟者據全國禁煙會安銘等訴袁嘉穀煙案嫌疑請求傳訊一案原訴狀內稱參議院報到之議員袁嘉穀有販運鴉片煙土重大嫌疑所運大宗煙土已在上海查獲袁嘉穀不依法自首潛行來京報到請求傳訊移送上海地方檢察廳併案辦理等情前來查該被告人袁嘉穀既經參議院准其報到究竟該案與袁嘉穀為何等關係此案發生既在滬上如有關係諒係貴廳必須關傳訊問之人且人證物證均在最先受理之處道路遙遠傳聞異詞本廳未便懸揣為此備函敬請查照迅予見復以憑協助實緝公誼此致

中華民國五年八月二十六日